



evrópu samvinna

Evrópusamvinna í 20 ár!

Uppskeruhátíð samstarfsáætlana ESB

Allir velkomnir!

Hafnarhúsinu við Tryggvagötu
föstudaginn 22. nóvember 2013 kl. 14-18

Íslendingar hafa verið afkastamiklir þátttakendur í evrópskum samstarfsáætlunum sl. 20 ár og á hátíðinni gefst almenningi kostur á að kynna sér um 50 verkefni sem hlotið hafa styrki úr áætlunum ESB.

Tónlist, bíómyndir, spurningaleikur, áhugaverð verkefni og skemmtilegar uppákomur fyrir alla aldurshópa!

14:00 Setning uppskeruhátíðar

Leikskólinn Vesturborg,
börn syngja evrópsk lög – Comeniusar verkefni

Evrópusamvinna í 20 ár – árangur og ávinningur íslenskra aðila

Ágúst H. Ingbórsson, forstöðumaður Landskrifstofu menntaáætlunar ESB

Reynsla og þátttaka Íslenskrar erfðagreiningar í rannsóknaráætlunum ESB

Unnur Þorsteinsdóttir, framkvæmdastjóri rannsókna hjá Íslenskri erfðagreiningu

Stelpur rokka,
afrakstur Rokksumarbúða fyrir ungar stelpur – verkefni Evrópu unga fólksins

Viltu bita af Evrópu?
Evrópukaka í boði í portinu

Þóra Arnórsdóttir, fyrrverandi Erasmus nemi stýrir setningu uppskeruhátíðar

15:00 Bíómyndabrot,
brot úr íslenskum bíómyndum – verkefni MEDIA áætlunarinnar

Sama dag kl 8:30 - 12:00 verður nýjum samstarfsáætlunum ESB ýtt úr vör með opnunarráðstefnu á Hótel Sögu. Upplýsingar og skráning á www.rannis.is

15:30 Spurningaleikur, „pub-quiz“ um íslensku sauðkindina,
byggður á efni kennslubókar um sauðfjárrækt - afrakstur Leonardo verkefnis

16:00 Tónlistaratriði Listaháskóla Íslands - verkefni Menntaáætlunar ESB

16:15 Fyrirmyndarverkefni Menntaáætlunar ESB 2012
Veittar verða gæðaviðurkenningar þeim verkefnum sem valin hafa verið sem fyrirmyndarverkefni Comeniusar, Grundtvig, Leonardo, Erasmus, eTwinning og Evrópumerkisins

Margrét K. Sverrisdóttir, sérfræðingur hjá Rannís stýrir afhendingu viðurkenninga og Jan Truszczyński, frá framkvæmdastjórn ESB afhendir viðurkenningarnar

17:00 Skólahljómsveit Grafarvogs;
Una paloma blanca / Hvíta dúfan - verkefni Evrópu unga fólksins

17:30 Schoolovision,
hópur úr Flataskóla syngur og dansar - eTwinning verkefni

18:00 Uppskeruhátíð lýkur



www.evropusamvinna.is



Evrópusamvinnan eflir og styrkir sjálfstraust Íslendinga

Íslendingar fengu í kjölfarið á samþykkt EES-samningsins árið 1993 aðgang að ýmsum samstarfsáætlunum Evrópusambandsins á sviði rannsóknar-, tækniþróunar-, æskulýðs-, menningar- og menntamála. Síðan hefur bæst við samstarf á sviði jafnréttismála, almannavarna og lýðheilsu. Árangur Íslendinga í þessu samstarfi hefur verið mjög góður, hvort sem er mælt í fjármagni eða fjölda fólks sem hefur tekið þátt í verkefnum. Íslendingar hafa fengið yfir 200 milljónir evra í styrki og meira en 25 þúsund manns verið á faraldsfæti á vegum styrktra verkefna.

Ágúst Hjörtur Ingþórsson, forstöðumaður Landskrifstofu Menntaáætlunar ESB á Íslandi og sviðsstjóri mennta- og menningarsviðs Rannís, er sá aðili á Íslandi sem líklega þekkir þessar áætlunir einna best. Hann hefur verið viðriðinn Evrópusamstarfið sem verkefnastjóri, sérfræðingur, forstöðumaður, fulltrúi menntamálaráðuneytisins við sendiráð Íslands í Brussel og fulltrúi í ýmsum ráðum og nefndum bæði Evrópusambandsins og íslenskra stjórnvalda varðandi Evrópumál. „Umfang og árangur Íslendinga í Evrópusamstarfi í þessi tuttugu ár hefur farið fram úr okkar björtustu vonum,“ segir Ágúst. „Við renndum dálítið




Ágúst Hjörtur Ingþórsson

blint í sjóinn til að byrja með. Sem betur fer tóku íslensk fyrirtæki, skólar, stofnanir og aðrir aðilar fljótt við sér. Árangurinn hefur ekki heldur látið á sér standa. Þátttaka Íslendinga í nánast öllum áætlunum hefur farið stigvaxandi og við höfum aukið við hlut okkar í sístækkandi áætlunum. Þar hefur mest munað um þátttöku í rammaáætlunum á sviði rannsóknar- og þróunar en einnig eru mennta- og æskulýðsáætlanirnar nokkuð umfangsmiklar. Svo má ekki gleyma því að margar íslenskar kvikmyndir hafa fengið styrk úr Media-áætlun Evrópusambandsins annaðhvort í framleiðslu eða til dreifingar. Við getum því verið sátt við afrakstur samstarfsins hingað til,“ segir hann.

Mikill áhugi erlendra aðila á að starfa með íslenskum skólum, fyrirtækjum og stofnunum kom fljótleiga í ljós. „Það hefur verið gaman að fylgjast með hve sjálfstraust íslenskra aðila hefur aukist með auknu alþjóðlegu samstarfi. Íslensk fyrirtæki og stofnanir hafa gert sér grein fyrir því

Erasmus nemar til og frá Íslandi



að þau hafa heilmikið fram að færa á sama tíma og þau geta líka lært mikið af erlendu samstarfsaðilunum. Ágúst bendir til dæmis á þá skemmtilegu staðreynd að smám saman hafi fleiri erlendir stúdentar komið hingað til lands árlega til að nema við íslenska háskóla en íslenskir nemendur sem sækja nám við erlenda háskóla í gegnum Erasmus-áætlunina. „Þessu áttum við alls ekki von á,“ segir hann.

Margir þessara sjóða sem Íslendingar sækja í eru reknir á samkeppnisgrundvelli. Það þýðir að við erum að keppa við fyrirtæki og stofnanir um alla Evrópu. „Við höfum sýnt það og sannað að við höfum átt fullt erindi inn á þennan völlu alþjóðlegrar samkeppni. Íslendingar standa framarlega í rannsóknum í sjávarútvegi, orkurannsóknum, eldfjallafræðum og líftækni en einnig höfum við staðið okkur vel í

mörgum öðrum geirum.

Ágúst segir að oft sé einblínt um of á fjárhagslegan ávinning af þessu samstarfi. „Ég vil ekki gera lítið úr því en í mínum huga er reynslan, tengslanetið og þekkingin sem kemur út úr þessu samstarfi mun mikilvægari en peningarnir. Íslendingar hafa lært öguð vinnubrögð og hefur það haft mikil áhrif hvernig íslenskt styrkjakerfi hefur breyst. Einnig hefur íslenskt háskólasamfélag breyst alveg gríðarlega og er orðið mjög alþjóðlegt.“

Að mati Ágúst hefur reynsla Íslendinga af að starfa í formföstu samstarfi veitt okkur dýrmæta reynslu. „Þetta á einkum við í háskóla- og rannsóknasamfélaginu en einnig í menntamálu. Verklag sem byggir á gagnsæju umsóknarferli, faglegu mati og skýrum kröfum um að gera grein fyrir afrakstri verkefna hefur veitt okkur nauðsynlega

þekkingu til að taka þátt í alþjóðlegu samstarfi með fullri reisn.“

Evrópusambandið hefur ákveðið að stokka þetta styrkjakerfi algjörlega upp og setja upp þrjár meginstöðir; Rannsóknir og þróun innan „Horizon 2020“-áætlunarinnar, menntun, æskulýðsmál og íþróttir innan „Erasmus+“-áætlunarinnar og svo menning og skapandi greinar innan „Creative Europe“-áætlunarinnar. Ágúst er bjartsýnn á framtíðina: „Fjárveitingar til áætlanna munu aukast þannig að kostnaður okkar við þátttöku vex en tæknifærin aukast einnig. En við eigum orðið fullt af fólki sem kann vel til verka í svona sjóðasókn. Ég hef því fulla trú á að næstu sjö ár verði mjög spennandi og muni færa okkur Íslendingum enn meiri þekkingu, reynslu og tækifæri til framfara, landi og þjóð til heilla,“ segir Ágúst.

Stelpur rokka

Evrópa unga fólksins hefur stutt verkefnið Stelpur rokka, en þar fá stelpur á aldrinum 12-16 ára leiðsögn við að spila á hljóðfæri, spila saman í hljómsveit, semja lög og koma fram á tónleikum.

Evrópa unga fólksins er íslenska heitið á Ungmennaáætlun Evrópusambandsins, Youth in Action, og er samstarfsverkefni ESB, mennta- og menningarmálaráðuneytisins og UMFÍ. Áætlunin veitir ungu fólki á aldrinum 13-30 ára styrki og einnig þeim sem starfa með ungu fólki. Á hverju ári veitir Evrópa unga fólksins á Íslandi um 1,7 milljónum evra, eða um 270 milljónum króna, í styrki á Íslandi til góðra verkefna sem skipulögð eru af ungu fólki og/ eða fyrir ungt fólk.

Meðal þeirra verkefna sem Evrópa unga fólksins hefur stutt er verkefnið Stelpur rokka! Það er tónlistarverkefni sem býður stelpum á aldrinum 12-16 ára upp á rokksumarbúðir. Í þeim búðum fá stelpurnar leiðsögn við að spila á hljóðfæri, spila saman í hljómsveit, semja lög og koma fram á lokatónleikum rokksbúð-

anna fyrir framan fjölskyldu og vini. Þetta er sjálfbodaaverkefni sem vinnur eftir feminískri hugsjón við að efla ungar stelpur í tónlistarskópun. Langtímaaverkefni þessa hóps er að auka hlut kvenna í tónlistarbransanum.

Að sögn Áslaugar Einarssdóttur, sem er ein af forsvarsmannskjum þessa verkefnis, gekk starfsemin síðastliðið sumar mjög vel. „Við höldum þrennar rokksbúðir, í Reykjavík og á Akureyri, þar sem við vorum svo heppnar að fá að vinna með 68 skapandi og hæfileikaríkum stelpum og konum sem komu í búðirnar. Sjálfboda-liðahópurinn okkar stækkaði til muna og eru nú í honum um 30 konur. Við stóðum fyrir fjöldasöfnun og gátum boðið tíu stelpum frí pláss í búðirnar í sumar. Í lok júlí héldu svo átta sjálfboda-liðar til Svíþjóðar á rokksbúðaráðstefnu þar sem við hittum konur frá tíu rokksumarbúðum víðs vegar um Evrópu. Það var mögulegt vegna styrksins frá Evrópu unga fólksins.“

Gestir uppskeruhátíðarinnar geta notið tóna frá þessum stúlkum en nokkrar þeirra troða upp í Hafnarhúsinu kl. 14.00. Sjón og heyrn er sögu ríkari!



Langtímaaverkefnið með rokksumarbúðunum er að auka hlut kvenna í tónlistarbransanum.

Útgefandi: Rannís

Ritstjórn: Andrés Pétursson og Aðalheiður Jónsdóttir

Ábyrgðarmaður: Jón Laufdal



ÖRUGG NETNOTKUN BARNNA

Samtökin Heimili og skóli hafa undanfarin ár rekið verkefnið SAFT, sem stendur fyrir Samfélag, fjölskylda og tækni. Tilgangurinn er að vekja umræðu og áhuga á öruggri og jákvæðri tölvu- og nýmiðlanotkun barna og unglinga á Íslandi. Verkefnið er hluti af Safer Internet Programme, aðgerðaáætlun Evrópusambandsins um öruggari netnotkun, og er styrkt af framkvæmdastjórn ESB. Framkvæmd verkefnisins er í formlegu samstarfi við Rauða krossinn, Ríkislögreglustjóra og Barnaheill – Save the Children Iceland.

SAFT er í samstarfi við önnur lönd í Evrópu og deilir með þeim upplýsingum, aðferðafræði og þekkingu. Markmiðið er að til verði sameiginlegur evrópskur sjóður þekkingar og aðferðafræði á þessu sviði sem styður hið jákvæða og spornar gegn neikvæðum hliðum upplýsingatækninnar.



DECODE Á FULLU Í EVRÓPUSAMSTARFI

Íslensk erfðagreining er það íslenska fyrirtæki sem hefur fengið flesta Evrópustyrki frá upphafi. Meðal þeirra verkefna sem fyrirtækið hefur tekið þátt í og hafa verið styrkt af Rammaáætlunum ESB eru rannsóknir til að finna nýjar aðferðir til þess að þróa lyf við þunglyndi og geðklofa, rannsóknir á breytingum á erfðamengi sem hafa áhrif á feril blóðruhálskrabbameins og rannsóknir á erfðapáttum sem hafa áhrif á beinþynningu.

Á uppskeruhátíðinni á morgun, föstudag, í Hafnarhúsinu mun Unnur Þorsteinsdóttir, framkvæmdastjóri rannsókna hjá Íslenskri erfðagreiningu, segja frá þessum rannsóknum og hvaða þýðingu þessi samstarfsverkefni hafa haft fyrir starfsemi fyrirtækisins. Fólk er hvatt til að mæta og hlusta á þetta áhugaverða erindi og sjá þessi fjölbreyttu verkefni sem styrkt hafa verið undanfarin ár.

Íslensk erfðagreining, eða DeCode eins og það er oft nefnt, er fyrirtæki sem notar niðurstöður erfðarannsókna til að þróa vörur og þjónustu sem hafa það að markmiði að efla lýðheilsu. Rannsóknir fyrirtækisins byggja á erfða- og læknisfræðilegum upplýsingum um 500.000 aðila frá öllum heimshornum sem tekið hafa þátt í rannsóknum á vegum fyrirtækisins. Þar af eru um 140.000 Íslendingar sem lagt hafa fyrirtækinu lið.

Íslenskar kvikmyndir hafa fengið milljarð

MEDIA-áætlunin er kvikmynda-, sjónvarps- og margmiðlunaráætlun ESB og hefur hún stutt þróun og dreifingu þúsunda evrópskra kvikmynda. Jafnframt hafa ýmis námskeið, kvikmyndahátíðir, kynningar og fjármögnunarmessur í Evrópu fengið stuðning sem hefur stuðlað að aukinni samvinnu milli framleiðenda í álfunni. Á árinu 2011 bættist við MEDIA MUNDUS-áætlunin til að styðja markaðssetningu evrópskra kvikmynda á alþjóðamarkaðinum.

Frá því að Íslendingar gerðust aðilar að MEDIA-áætluninni hafa um 40 íslensk framleiðslufyrirtæki fengið lán og/eða styrki til undirbúnings á um fimmtíu íslenskum kvik-

myndum, heimildarmyndum og tölvuleikjum. Þá hafa nú íslensk fyrirtæki fengið lán og/eða styrki til dreifingar á evrópskum kvikmyndum á Íslandi. Erlendir dreifendur hafa fengið lán og/eða styrki til að sýna fimmtán íslenskar kvikmyndir í allt að þrettán Evrópulöndum og tólf sjónvarpsverkefni hafa fengið styrki til dreifingar til evrópskra sjónvarpsstöðva. Frá því Íslendingar gerðust aðilar að MEDIA-áætluninni árið 1992 hefur íslenskum fyrirtækjum verið úthlutað um einum milljarði íslenskra króna og um hálfum milljarði króna hefur verið veitt til að styrkja dreifingu á íslenskum kvikmyndum til Evrópu.



Málmhaus er ein þeirra íslensku kvikmynda sem hafa fengið styrk frá MEDIA-áætlun ESB.

Hótel Sögu
22. nóvember
kl. 8:30 - 12:00

Ýtt úr vör

Opnunarráðstefna nýrra samstarfsáætlana ESB
Horizon 2020 | Erasmus+ | Creative Europe

8:30 ▶ **Ný kynslóð samstarfsáætlana ESB 2014 - 2020**
Horizon 2020 rannsókn- og nýsköpunaráætlun
Erasmus+ mennta-, æskulýðs- og íþróttaráætlun
Creative Europe kvikmynda- og menningaráætlun

Opunarávarp Illugi Gunnarsson, mennta- og menningarmálaráðherra

European Programmes 2014 - 2020 Jan Trzuszczynski, Director General,
DG Education and Culture, European Commission

Rannís og samstarfsáætlanir ESB Hallgrímur Jónasson, forstöðumaður Rannís

Fyrirspurnir

Fundarstjóri: Ásta Magnúsdóttir, ráðuneytisstjóri, mennta- og menningarmálaráðuneyti

9:50 ▶ **Kaffihlé**

10:10 ▶ **Kynning á nýjum samstarfsáætlunum ESB:**

Horizon 2020

Salur: Katla

Denise Heiligers, DG Research and Innovation

Morten Möller, ICT Unit, DG Research and Innovation

Mario Roccaro, Marie Skłodowska Curie, DG Education and Culture

Kári Stefánsson, President of deCODE Genetics.

Fundarstjóri: Elísabet Andrésdóttir, sviðsstjóri alþjóðasviðs Rannís

Erasmus+

Salur: Hekla

Jan Trzuszczynski, DG Education and Culture

Ágúst H. Ingbórsson og **Anna R. Möller**, forstöðumenn Landskrifstofa menntáætlunar og Evrópu unga fólksins

Fundarstjóri: Arnór Guðmundsson, skrifstofustjóri menntamála, mennta- og menningarmálaráðuneyti

Creative Europe

Salur: Esja

Susanne Ding, DG Education and Culture

Ragnhildur Zoëga og **Sigríður Margrét Vigfúsdóttir**, Creative Europe Desk

Fundarstjóri: Karitas Gunnarsdóttir, skrifstofustjóri menningarmála, mennta- og menningarmálaráðuneyti

11:45 ▶ **Létt hádegissnarl fyrir gesti opnunarráðstefnu**

Sama dag kl. 14:00 - 18:00 verður Uppskeruhátíð samstarfsáætlana ESB í Hafnarhúsinu við Tryggvagötu



MENNTA- OG
MENNINGARMÁLARÁÐUNEYTIÐ



Flaggskipið Erasmus

Flaggskip menntaáætlunar ESB er Erasmus-háskólasamstarfið. Allir íslenskir háskólar hafa tekið þátt í samstarfinu og hefur það skilað miklu til íslensks háskólasamfélags.

Árlega fara um 250 íslenskir stúdentar í stúdentaskipti til erlendra háskóla en það sem vekur athygli er að um 450 erlendir stúdentar koma hingað til lands og taka hluta af námi sínum við íslenska háskóla.

Listaháskóli Íslands hefur verið mjög virkur þátttakandi í Erasmus allt frá því að Ísland hóf þátttöku í áætluninni árið 1994 (þá Myndlista- og handiðaskóli Íslands). Miðað við stærð háskólans hefur þátttaka LHÍ verið margföld á við aðra háskóla. Árið 2012 var gerð úttekkt á framkvæmd Erasmus hjá íslenskum háskólum og kom LHÍ best úr úr þeim



Erlendir Erasmus-nemar njóta kennslu í íslensku á Núpi í Dýrafirði í faðmi vestfirskra fjalla!

samanburði. LHÍ hefur markvisst kynnt möguleikann á Erasmus-starfsnámi og hvatt nemendur sína til að nýta þann möguleika. Í öllum deildum LHÍ er lögð mikil áhersla á alþjóðlegt samstarf og í leiklistar- og dansdeild eru tvær námsbrautir þar sem skiptinám eða starfsnám erlendis er skylda. Erasmus-áætlunin er notuð á markvissan hátt í þessu öflugna alþjóðasamstarfi.

Háskólasetur Vestfjarða hefur nýtt sér Erasmus-samstarfið til

að undirbúa erlenda stúdentar fyrir nám í íslenskum háskólum. Á hverju ári síðan 2008 hafa fjölmargir erlendir nemendur tekið þriggja vikna námskeið á Núpi í Dýrafirði. Markmið námsins er að stúdentar geti að því loknu tjáð sig og skilið einföld skilaboð á íslensku. Hefðbundin kennsla fer fram fyrir hádegi á Núpi en eftir hádegi eru fjölbreytt og metnaðarfull valnámskeið sem einnig eru haldin á Ísafirði.

Eldfjallarannsóknir styrktar af ESB

Rannsóknarverkefnið „Futurevolc“ hefur verið mikið í fréttum undanfarið jafnt hérlendis sem erlendis. Verkefnið ber heitið „Ofurstöð í eldfjallafræði“ á íslensku og miðar að því að samþætta vöktun og rannsóknir á eldfjöllum.

Kveikjan að verkefninu var meðal annars eldgosið í Eyjafjallajökli árið 2010 en það olli töluverðri truflun á flugsamgöngum í Evrópu og víðar. Freysteinn Sigmundsson, jarðeðlisfræðingur við Norræna eldfjallasetríð á Jarðvísindastofnun Háskólans, er stjórnandi rannsóknarinnar, en hún er samvinnuverkefni evrópskra háskóla, stofnana og fyrirtækja og er meginmarkmiðið að þróa nýjar leiðir til að meta eldgos og fyrirboða þeirra.

Það eru Jarðvísindastofnun Háskólans, Veðurstofa Íslands, Almannavarnadeild Ríkislögreglu-



Eldgosið í Eyjafjallajökli var kveikjan að verkefninu.

MYND/ RICHARD YEO

stjóra og fyrirtækin Samsýn og Miracle ásamt samstarfsaðilum á Írlandi, Ítalíu, Bretlandi, Hollandi, Svíþjóð, Þýskalandi, Noregi, Sviss og Frakklandi sem standa að þessu verkefni. Verkefnið hefur fengið viljrði fyrir tæplega sex milljóna evra styrk frá 7. Rammaáætlun Evrópusambandsins, jafnvirði um 950 milljóna króna. Það hófst árið 2012. Styrkurinn er einn sá hæsti sem íslenskur vísindamaður hefur fengið til að stjórna Evrópuverkefni og munu íslenskir þátttakendur verk-

efnisins fá um þriðjung fjárisins. Vísindahlutinn er í höndum Freysteins Sigmundssonar og Kristínar Vogfjörð, öll almenn stjórnun verkefnisins fer fram í gegnum verkefnastofu Veðurstofu Íslands. Lokið er við flestallar tækjauppsetningar sem áætlaðar voru í verkefninu og því eru gögn og annað sem þeim tengist nú þegar farin að streyma inn til túlkunar, jafnframt er frumhönnun á gagnaveitu fyrir gögn frá íslenskum eldfjöllum lokið og þróunarvinna er í fullum gangi.

Sjálfböðaliðar á Sólheimum

Sólheimar hafa tekið á móti evrópskum ungmennum á aldrinum 18-30 ára til að taka þátt í samfélagsverkefnum á Sólheimum. Markmið verkefnisins sem er styrkt af „Ungu fólki í Evrópu“ er að bjóða ungmennum að búa á Sólheimum og taka þátt í fjölbreyttu starfi í allt að tólf mánuði.



Erlendir sjálfböðaliðar að störfum á Sólheimum.


Verkefnin sem unga fólkið getur tekið þátt í eru til dæmis þátttaka í vinnustofum eins og lista-smíðju, vefstofu, leirgerð, kertagerð og smíðastofu. Umhverfistengd verkefni tengjast til dæmis skógrækt og gróðrarstöðinni og umhverfissetrinu. Einnig er í boði að fá reynslu við að vinna í bakaríi, verslun og kaffihúsi. Þar að auki vinna alltaf einhverjir með fötluðum íbúum á Sólheimum. Að meðaltali eru um sjö sjálfböðaliðar að störfum á Sólheimum hverju sinni.

Innan Grundtvig-hluta menntaáætlunar ESB á Íslandi hefur einnig verið hægt að sækja um verkefni

fyrir sjálfböðaliða 50 ára og eldri til að fara til ýmissa Evrópulanda í mismunandi verkefni. Fyrirtækið SEEDS hefur verið mjög virkt á þeim vettvangi og reyndar líka í almennum sjálfböðaliðaverkefnum. Á hverju ári koma á milli 1.200-1.400 einstaklingar til Íslands í ýmis sjálfböðaliðsverkefni. En einnig er hægt að fara sem sjálfböðaliði til annarra landa. Meðal verkefna sem fyrirtækið hefur séð um er að senda nokkra Íslendingar á besta aldri til Ítalíu til að vinna að ýmsum verkefnum sem tengjast gróðurvernd og sjálfbærum lífsstíl.

Sauðkindin er ekki undanskilin

Áratugabið bændu eftir alhliðariti um sauðfé og sauðfjárrækt er á enda með nýútkominni bók „Sauðfjárrækt á Íslandi“.



Bókin er hluti af verkefninu „Sheep Skills“ sem Landbúnaðarháskóli Íslands á Hvanneyri tók þátt í á vegum Leonardo-hluta Menntaáætlunar Evrópusambandsins.

Bókin Sauðfjárrækt á Íslandi var hluti af verkefninu „Sheep Skills“ sem Landbúnaðarháskóli Íslands á Hvanneyri tók þátt í á vegum Leonardo-hluta Menntaáætlunar Evrópusambandsins. Einnig fékkst styrkur úr Minningarsjóði dr. Halldórs Pálssonar búnaðarmálastjóra til að gera bókina sem veglegasta. Samstarfsaðilar Landbúnaðarháskólans í þessu verkefni voru frá Ungverjalandi, Tyrklandi, Þýskalandi og Danmörku.

„Um málið hefur verið ályktað hjá Landssambandi sauðfjárbændu og búið að tala um það mjög lengi,“ segir Ragnhildur Sigurðardóttir, ritstjóri bókarinnar og lektor við Landbúnaðarháskóla Íslands. En þess má geta að Ragnhildur er líka sauðfjárbóndi á Snæfellsnesi þannig að málið er henni mjög skylt.

„Við bjuggum til fræðsluefni í fimm löndum og fórum fyrst af stað með þá hugmynd að efnið yrði

rafrænt,“ segir hún, en hér hafi skilaboð frá bændum verið á þá leið að þeir vildu almennilega bók um efnið. „Við byggðum á því sem til var og fórum yfir og uppfærðum, en mjög mikið var skrifað frá grunni.

Íslendingar taka þátt í Menntaáætlun Evrópusambandsins í gegnum EES-samninginn. Gaman var að finna hversu miklu við höfum að miðla þótt við séum lítið land og eigum margt sammerkt með öðrum löndum þótt aðstæður séu að mörgu leyti ólíkar.“

● ALLIR EVRÓPUSTYRKIR FRÁ UPPHAFI

Á heimasíðunni evropusamvinna.is, sem er samstarfsverkefni allra Evrópuáætla á Íslandi, er mjög áhugavert gagnvirk kort af Íslandi. Þar er hægt að skoða og fá upplýsingar um alla þá styrki sem íslenskir skólar, fyrirtæki og aðrir lögaðilar hafa fengið frá því að Íslendingar byrjuðu að taka þátt í Evrópusamvinnunni fyrir tuttugu árum. Sjón er sögu ríkarí.



Comenius um allt land

Nánast allir leik-, grunn- og framhaldsskólar landsins hafa tekið þátt í verkefnum styrktum af Comeniusar-hluta Menntaáætlunar Evrópusambandsins. Einn af þeim skólum er Flataskóli í Garðabæ. Skólinn hefur einnig verið virkur í eTwinning en það er rafrænt samstarf skóla víðs vegar í Evrópu styrkt af Menntaáætlun ESB.



Flataskóli hefur verið mjög virkur í eTwinning-verkefninu. Þar hefur borið hæst þátttaka í „Schoolovision“ en það er verkefni sem er unnið í yfir þrjátíu löndum í Evrópu.

Comenius-verkefnið sem Flataskóli hefur tekið þátt í nefnist „Sköpunarkrafturinn – listin að lesa“ og er það í samstarfi við skóla á Spáni, Englandi, Tyrklandi, Ítalíu og í Póllandi. Verkefninu var ætlað að auka áhuga nemenda á læsi og lestri þar sem lestraráhugi nemenda hefur minnkað á undanförunum árum. Nemendur tóku ýmsum verkefnum eins og lestrararmaraboni. Rithöfundar komu í heimsókn og kynntu bækur sínar. Farið var í ratleik sem byggði á vísindum úr bókum og ferðast milli þátttökulandanna. Sagan hófst á Ítalíu og endaði í Póllandi. Sögupersónan lenti í ýmsum ævintýrum á ferðalaginu. Sagan var síðan gefin út í bókformi á ensku á Ítalíu.

En Flataskóli hefur líka verið mjög virkur í eTwinning-verk-

efninu. Þar hefur borið hæst þátttaka í „Schoolovision“ en það er verkefni sem er unnið í yfir þrjátíu löndum víðs vegar í Evrópu. Flataskóli hefur tekið þátt í þessu verkefni í fimm ár að sögn Kolbrúnar Svölu Hjaltadóttur, kennsluráðgjafa á tölvu- og upplýsingasviði. „Hjá okkur hefur skapast hefð í skólastarfinu að vinna þetta verkefni á vorönn. Við höfum undanþekppni „Flatóvision“ með svipuðu sniði og Eurovision þar sem eitt atriði er valið til að setja sem framlag í „Schoolovision“ það árið. Við höfum fengið til liðs við okkur vinsæla söngvara til að dæma og leiðbeina börnunum í söng og koma fram á sviði.“

Kolbrún segir að mikill áhugi sé á þessu verkefni í skólanum enda hafi „Schoolovision“ unnið til margra verðlauna bæði hér heima og erlendis.